

صاحبي ، مديري ، محوري :



آبونه بدلي :

سنه لکي ۱۰۰ غروش
آلتي آيايي ۵۰ »
اوي آيايي ۲۵ »

مخبر

۱۳۳۸

اداره خانه سي :
شهرزاده باشنده (تعالی اسلام)
جمعیتی مرکز عمومی
مرکز توزیعی :
باب عالی جاده سنده اتحاد
تجارت کتبخانه سی
اسلامک نفعنه خادم مقالات
مع القشکر قبول و درج اولونور

يازاڭك شخصيتي دكل ، يازينك اهميتي
نظر دقته آليتي

دینی ، علمی ، ادبی ، اجتماعی و شیعیه شہری
مجموعه اسلامیه در

کلن یازیلردن شایان قبول کورولنلر تاریخ
میراسیله درج اولونور .

عدد : ۵

۱۳۳۸ ربیع الاولنه مخصوص نسخه

في ۷ بوجوق غموش

مديریات :

قرآن کریمک ایلک نازل اولان آیتلری (طاهر المولوی) - برآیت مناسبتیه (فرید) - یوم وانوامی : (احمد ضیا) -
علم هیئتک مبدائی (سعدی) - ربیع الاول و مولد شریف (طاهر المولوی) - مولد نبوی احتفانک مستند شرعیسی (محمد کامل) -
اسکیدن متقبه مولد قرائتی ناصل اجرا ایدیلیدی (عطا تاریخی - طیار زاده عطا بک) - مدحت ربیبی بک مرحوم : (طاهر المولوی) -
غنی کشمیری و بعض ایسانی (طاهر المولوی) - بحی افندی درکاهی شیخک تاریخ ارتحال (سعود المولوی) .

ربع دائره نك صورت استعمالی

احمد ضیا بک افندی طرفندن تحریر ایدیلوب طبع ایدیلکده اولدینی محفلک ۳ نجی نسخه سنده تیشیر اولونان
ربع دائره رساله سی بودفعه برطرز نوین و کزینده اکمال ایدیلهرک حکاکر چارشیسینده خواجه مصطفی اقدینک
دکاننده (۴۵) غروش بدل ایله صالقمده در .

مؤلف مومالیهک (ربع دائره نك اساسی و طریق ترسیمی) عنوانلی رساله سنک ده قریباً انتشار ایده جکی مع المسار استبشار ایدلشندر .

دینی درسار - مؤلفی آقسه کیلی احمد حدی

اسلام یولی - اسکلیلی محمد عاطف

اسلام چیغیری - » » »

بواثرلرده میدان انتشاره قونولش و عموم کتابچیلرده صالقمده یولو نمشد . کرک ضیا بک افدینک ، کرک حدی
وعاطف افدیلرک قدرت فاضلانلری مجموعه ده کی یازیلریله مبرهن اولدیغندن اثرلری حقنده فضله سوزه لزوم
کور میورز هریرینی مؤلفات جدیده مراقیلیرینه توصیه ایدرز .

آبونه لریمزدن رجا - محفلک نسخه لری صورت منتظمده کوندریلکده ایسه ده آبونه لریمزدن بعضیلرینه واصل
اولامادقلری آکلاشینلور . بناء علیه مجموعه سی کله یین ، برده تبدیل اقامت و مأموریت ایله یین آبونه لریمزدک اداره مزه
معلومات و برمه لری رجا اولونور .

ورم ، او جسی و جودی دوشوردی بسترینه
 أولومده آلدی نهایت کوتوردی مقبرینه
 آقان دموع تأثرله چشم حسرتدن
 الهی ایله او قبری نشانه کلشن
 تجلیات جماله ایدوبده مظهر تام
 مقام پاکنه ایله خطاب (بردوسلام)
 چیقوبده چار جهندن بو ناله عکس ایتدی
 خزان ایچنده ربیبی یازیق سونوب کیتدی
 ۱۳۳۷

طاہر المولوی

محفل ادبی

لیله مولد حضرت رسالتناهی
 ای شب نوار مولد، ای صباح دائمی
 مستنیر کدر بتون انوار واسجار جهان
 اولسه یدک جلوه کر آینه امکانه سن
 نور وظلمت تا ابد بالله قالبردی بی نشان
 سعود المولوی

غنی کشمیری و بعض ابائی

مابعدی :

(اگر شهرت هوس داری اسیردام عزلت شو)
 (که در پرواز دارد کوشه گیری نام عنقارا)

[شهرت آلمایه هوس وارسه منزویلیکی اختیار ایت.
 چونکه : عنقارک اسمنی او چوران ؛ کندیسنک کوشه
 نشین اولماسیدر]

عنقا و عنقاء مغرب «معلوم الاسم و مجهول الجسم» بر
 قوشک اسمیدر و اول قوشه فارسیده سیمرخ و سپرنک
 دخی دیرلر - قاموس ترجمه سی .

عربلرک عنقا ، عجملرک سیمرخ دیدکری بومو هوم
 قوشه بزده (زمرد عنقا) نامی ویریش و او نام ایله بر
 جوق ماصالرده ذکر ایدیشدر . عنقا قوشی ؛ غایت
 مستغنی و قاف طاغنده کی یوواسنده منزوی ایش . بو اعتبار ایله

چوقیدر عنقای استغایه اولسه آشیان

قله قاف قناعتدر کلاه مولوی

و : بنم طاہر بناهم آستان حضرت حقدر

صیغیمش قافه مستغنی ایکن عنقای استغنا

کی بیتلرده (قاف) و (استغنا) کله لریله برلکده ذکر اولونور .

شرق خیالاتی ؛ بوقوش حقنده تحف تحف افسانه لر

ابداع ایشدر . مثلاً : فردوسی نک (شهنامه) سی

او قونورسه کوزولورکه : (رستم) ک باباسی (زال)

طوغدینی وقت آق صاحبی و بوروشوق صورتلی اولدینی ایچین

پدری (زبان) قیزمش ، نوزادی کوتوروب بر طاغ

باشنه آتمش . او طاغک شاهقه سنده آشیان ساز اولان

سیمرخ ؛ چوجوغی کوروب آچیمش . آلمش ، یوواسنه

کوتورمش ، یاورولریله برلکده بویوشمش ، چوجوق ؛

لسان بشری یرینه قوش دیلی او کره نمش . صوکر اسیمرخ ؛

قانادنن اوچ توی قوپاروب بوکا ویرمش ، باشی صیقیلنجه

اونلردن برینی یا قاسنی توصیه ایدهرک باباسنک نزدینه

کونده رمش .

صاچنک رنکی و یوزینک بوروشقلنی طولایسیله

(زال) یعنی (قوجه قاری) نامی آلان بو چوجوق ؛

ایرانده جهان پهلوانی اولمش . زور بازوسیه هر شیئه

غلبه چالارکن قاریسنک وضع حمل اناسنده چکدیکی

اضطرابه چاره بولمقدن عاجز قالمش . نهایت سیمرخ

توصیه سی خاطرینه کلشن . توپلردن برینی یا قیدینی کی

سیمرخ ظهور ایش . (رستم دستانی) ی مخرج معلومدن

دکل ، آناسنک قارندن چیقارمش . قانادیله مسح ایدهرک

شکاف بطنی یاپیشدیرمش .

[نزدمدده شهنامه بولونمادینی ایچین حافظه دن یازیورم .

یالان نقلنده یا کلیشم وارسه عفو بویورولسون] .

رستم ایله (اسفندیار) ک مشهور مبارزه سنده ده رستم ؛ بر جوق

یرندن یارالانمش ، عادتا اسفندیارک زبون صولتی اولمش .

او کیچه دیگر برتوی یا قیلوب سیمرخ چاغیریش و شو

حاله بر چاره بولماسی رجا ایدیش .

سیمرخ ؛ بر قانادلسیله رستمک یارالرینه الیامبخش
اولدقدن صوگرا قهرمانمخیلی آرقهسنه آلمش. (سیستان)دن
چینه کوتورمش . چین دریاسی کنارنده کی بر آغاچدن
بر دال کسیدروب چاتال بر اوق یابدیرمش و بو اوقی
اسفندیارک کوزلرینه آتماسی نیمیله رستمی ینه سیستانه
کتیرمش . ابرتهسی کون رستم او چاتال اوقله
اسفندیاری کوزلرندن اوروب اولدورمش . کندیسقیده
۴۰۰ یاشنده ! اولدینی حالده کابلده - قاردهشی (شغاد)ک
ترتیبیله قازیلش - مستور بر قویویه دوشوب قورتولدقندن
وشغادی آتدینی اوقله هلاک ایله دکن صوگرا اولمش .
فرید بک افتدی استادیمز (آثار ادبیه تدقیقاتی
درسلی) نده عنقایه دائر شویله بویورویور :

« عنقا = موهوم بر قوش . عنقا لفظی ؛ بویونی
اوزون معناسنه اولان (اعنق) کلهسنک مؤثیدر . چاربا
جنسندن اولان حیوانلرک هم ارککنه ، هم دیشیسنه (دابه)
ده نیلیدیکی کی بو قوشکده ارککیله دیشیسنه عنقا دینیر .
بوندن طولایی صفتی اولان (مغرب) کلهسی تأیید ایدیلر .
.. عنقا حقنده بر چوق روایات واردر . بونلرک
اک مشهوری نقل ایتدیکمز شواهی روایتدر :

(اصحاب الرس) (*) ک بولوندقاری محله (دخ)
اسمنده بر طاغ وارمش . بو طاغه آراسیرا رنکارنک
تویلرله مزین ، یوزی انسان یوزینه شبیه ، بویونی غایت
اوزون ، کندیسنده هر حیواندن بر علامت اولان بوبوک
بر قوش کلیر ، اوراده کی وحوش و طیوری آولایوب غریبه
طوغری اوچارمش . بوندن طولایی عربلر ؛ بو قوشه
میمک ضمیله (عنقاء مغرب) دیمش .

بو قوش ؛ احوالیده نه قدر حیوان وارسه برر برر
آلوب کوتورمش . حیوان قالمایچه نوبت چوققلره کلش .
(*) [رس] کیمآده ، یاخود نجدده ، یاخود آذربایجنده
بروادی ، یاخود ازوادیده بر قویو اولدینی ، دمخ آده ینه او جوارده
بر طاغ بولوندینی (معجم البلدان) ده محرردر

مخمل

بونک اوزرینه اصحاب الرس ؛ پیغمبرلرینه شکایت ایتمش
پیغمبرلرینک دعاسیله عنقانک هم کندیس ، هم ده اعقاب
و انسانی صاعقه ایله هلاک ایدیلش .

ایکنجی روایت کوره کویا حضرت موسی (ع م)
زماننده اوزه رنده هر قوشدن بر علامت اولق اوزه دیشیلی
ارککلی ایکی عنقا وارمش . بونلر بیت المقدس جوارنده کی
وحوش و طیور ایله تغدی ایدرلرمش . موسی علیه السلامک
ارتجالندن صوگرا (ارض نجد) ه کچوب وحوش و طیور دن
باشقه چوققلری ده قالدیرمغه باشلامش . اهل نجد ؛
نبیلرینه شکایت ایتمش . نبیلری دعا ایتش ، قوشلرده
صاعقه ایله هلاک اولمش ،

شهرت آلمق ایسته یلرک ازوا ایتملری لزومنه دائر
اولان فکرینی غنی کشمیری ؛ دیکر بر غزئنده ده :
نکردد شعر من مشهور تاجان درتم بشد
که بعد از مرگ آهو نافع بیرون می دهد بورا
بیتیلده تأیید ایدیورکه بیت محرر « بن ؛ حیانه
بولوندقجه شعر مشهور اولمایه جقدر . نیته کیم آهو اولمخجه
مسک کوبکنک قوقوسی انتشار و اشهار ایله مز . » مآلنده در .
مابعدی وار

طاهر المولوی

بشکطاشده کائن حضرت یحیی افندی قدس سره درگاه
شریفی بوست نشین شهری بقیة السلف رجال اهل سنتدن
شیخ حسن خیری افندی حضرتلرینک تاریخ ارتحالی :
حضرت خیری آگاهک روان اکلی
مظهر وصل الیهیدر بوکاشک ایسته مز
برصدای هاتقی آن وفاتنده دیدی
رحمة اه عایک ایها الشیخ الاعز

حفید وحدتی

۱۳۳۸

سعود المولوی

محرر مسئولی : طاهر المولوی

طبعة عسكرية